

Uunga siunnersuut: Pigisanit pissarsiat ilaasa akileraaruserneqartarnerat pillugu Inatsisartut Inatsisaata allanngortinneqarnera pillugu Inatsisartut inatsisaat nr. xx af xx. xxx 2020-meersoq

(Atuuffissaasa annikillisinneqarnerat)

§ 1

Pigisanit pissarsiat ilaasa akileraaruserneqartarnerat pillugu Inatsisartut inatsisaanni nr. 37, 23. november 2017-imeersumi, Inatsisartut inatsisaanni nr. 25, 28. november 2018-imeersumi allanngortinneqartumi, makku allanngorneqarput:

1. § 1, imm. 1, imatut oqaasertalerneqarpoq:

” Soraarnerussutisiaqarsinnaatitaasut aningaasarsianit akileraarutit pillugit Inatsisartut inatsisaanni (aningaasarsianit akileraarutit pillugit inatsimmi) § 1, imm. 1, nr. 1 imaluunniit 2, imaluunniit imm. 2 naapertorlugu akileraartussaataasut, aammalu marloqiusamik akileraartannginnissamik isumaqatigiissummi aalajangersakkat naapertorlugit naalagaaffimmi takornartami, Danmarkimi imaluunniit Savalimmiuni angerlarsimaffeqartutut isigineqanngitsut, inuunermut sillimmasiissutinit aamma soraarnerussutisiaqarnissamut aaqqissuussinerit, aningaasarsianit akileraarutit pillugit inatsimmi § 39 a, imm. 1-imi 2-milu imaluunniit § 39 c, imm. 1-imi aamma imm. 2-mi piumasagaatinik naammassinnittunit, kiisalu soraarnerussutisianut aaqqissuussinerit soraarnerussutisianut aningaasaateqarfimmi Danmarkimi angerlarsimaffeqartumi pilersinneqarsimappata, soraarnerussutisianik akileraarusiisarneq pillugu danskit inatsisaanni § 53 A-mi pineqartunut ilaasuni pissarsianit akileraarutininik, Inatsisartut inatsisaat manna malillugu akiliissapput.”

2. § 7 atorunnaarsinneqarpoq.

3. § 8, imatut oqaasertalerneqarpoq:

” **§ 8.** Inuunermik sillimmasiinernik aamma soraarnerussutisiassanut ileqqaarnissamut neqerooruteqartut, aningaasarsianit akileraarutit pillugit Inatsisartut inatsisaanni § 39 a, imm. 1-imi aamma 2-mi, § 39 c, imm. 1-imi aamma 2-mi, imaluunniit danskit soraarnerussutisianut akileraarusiisarnermut inatsisaanni § 53 A -mi, piumasagaatinik naammassinnittut, akileraartarnermut ingerlatsivimmumt makku pillugit paasissutissanik nalunaaruteqartarnissaannik Naalakkersuisut isumaqatigiissuteqarfigisinnaavaat:

- 1) kontumik piginnittut ataasiakkaat aqqi, najugaat aamma CPR normui,
- 2) ukiup aallartinnerani naanerani lu uninngasuutit, aamma
- 3) ukiumi iluanaarutit, takuuk § 3.

Imm. 2. Inuunermik sillimmasiinernik aamma soraarnerussutisiassanut ileqqaarnissamut neqerooruteqartut, soraarnerussutisiaqarsinnaatitaasut sinnerlugit akileraarutininik naatsorsuineq, unerartitsineq aamma akiliineq, takukkit § 2, imm. 1 aamma 2, § 3, § 6 aamma aningaasarsianit akileraarutit pillugit inatsimmi § 46, imm. 1-2 aamma § 46 a, pillugit imm. 1-imi pineqartunut ilaasut Naalakkersuisut isumaqatigiissuteqarfigisinnaavaat.

Imm. 3. Paasissutissanik tunniussisarneq aamma akileraarutininik unerartitsisarneq akiliisarnerlu il.il. imm. 1-imi aamma 2-mi taaneqartut pillugit maleruagassanik erseqqinnerusunik Naalakkersuisut aalajangersaasinnaapput.”

§ 2

Inatsisartut inatsisaat ulloq 1. januar 2021 atuutilerpoq aammalu ukioq isertitaqarfiusoq 2021 aallarnerfigalugu atuulluni.

Namminersorlutik Oqartussat, ulloq x. xx. 2020

Kim Kielsen